

寧國府志卷二十六

人物志

名臣

宣城

漢呂蓋

字君玉宛陵人永元九年十一月癸卯由光祿勳遷司徒十三年十一月

宋梅詢

字昌言五代時祖掾宣城因家焉端拱己丑進士第歷秘書省著作佐郎御史臺推勘官咸平初與考進士

於崇政殿真宗過殿廬奇其占對詳敏召試中書除集賢院賜緋衣銀魚時契丹數寇河北李繼遷攻靈州急詢上書議

以朔方授潘羅支使自圖取問誰可使詢請行上不欲使

兵間詢對曰苟可活靈州罷西兵詢一人足惜耶上壯而使

之未至靈州沒還為三司戶部判官屢陳西北事請大臣臨

邊督戰募遊手擊賊又論曹瑋馬知節可用會河西平河

州就徙兩浙轉運副使判三司開折司坐議天書出知濠州

北兵亦解詢遂見疎不用坐斷田訟失寔降判杭州徙知蘇

州為湖北轉運使時諸州秋旱疏請賑饑民以假驛馬降判襄

州知鄂州徙蘇州為陝西轉運使靈州因疏請移瑋慶以圖

將曹瑋尋得葫蘆河一路可趨靈州因疏請移瑋慶以圖

討賊復貶懷州團練副使又以善寇準徙池州知廣德軍歷

楚壽陝州復直集賢院遷工部郎奏乞罷珠玉匠勅從之改

直昭文館知荆南擢龍圖閣待制糾察在京獄歷龍圖閣

樞密直學士知通進銀臺司判流內銓進劄子論帝王為學

之本改翰林侍讀學士兼羣牧使累遷給事中知審官院仁

宗御邇英閣讀正說養民篇覽歷代戶口登耗顧謂侍臣今

天下民籍幾何詢對曰先帝所作蓋述先代帝王恭儉有節

則戶口充羨賦斂無藝則版圖衰減作鑿後王五代生齒凋

耗賴祖宗休養天下戶口蓋倍於前矣因詔三司及編修院

檢閱以聞病足出知許州卒詢好學有才辨少能慷慨見奇

自以蒙遇主知雅意經世初真宗嘗欲命知制誥李沆言其

望輕不可用蓋靈州之役詢嘗與沆異指論者在許昌繼遷孫

中國西酋所必爭沆賢相不當議棄靈州詢在許昌繼遷孫

復以河西叛朝廷出師邊陲而詢已老不復言兵西亦無息

肩之日矣著有集二十卷王安國序歐陽修志其墓子五鼎

臣舉進士歷翰林學士飛白書墨莊二字賜之曰美卿世居

文翰之地也寶臣領鄉薦先卒得臣殿中丞輔臣衛尉寺丞

清臣歷司門郎
宋史本傳

魏良臣

字道弼溧水人徙居宣城宣和辛丑登進士調丹徒尉徽宗南巡良臣疏請還闕不報移壽昌令召對邊

吏部員外郎金人犯淮高宗以良臣可屬大事命行成會邊臣驟襲金軍兀術怒曰使者以盟羈我良臣對曰朝廷議

定乃遣其後恐易相臣或邊將覬功願早定計報天子不則死無恨金人遣歸如約出知漳州未赴歷遷左右司檢正權

吏部侍郎後復使金兀術頗有意悔盟良臣請觀國書曰分淮畫守初議也今欲界長江非所敢知執論久之得竟從初

議秦檜稍忌之出知池廬二府檜死召拜參知政事首請出衣冠之囚歸蠻瘴之冤遂起淹抑詔追無虛日時軍政寢

弛於是核軍實禁工役罷賈觀聽一新然羣邪側目竟以資政殿學士出知紹興府尋詔錄宮祠自便起知宣州歷潭

洪二州卒良臣偉儀幹厲志當世居大位不久舉錯可觀贈左光祿大夫諡敏肅子伯友仲恭叔介皆貴乾隆府志

吳淵

字道夫柔勝仲子幼端重力學五歲喪母哀慕如成人登嘉定七年進士調建德簿丞相史彌遠與語謂淵國

器欲授開化尉淵辭親在當稟命彌遠聞之改容不復強尋就辟令江東九郡之冤訟於諸使者皆乞送淵改差浙東制

寧國府志

卷二十六

人物志 名臣

二

置司幹辦公事居外艱詔以前職起復力辭且貽書政府曰人道莫大於事親事親莫大於送死苟冒哀求榮則平生大

節已掃地矣他日何以事君時史嵩之方起復或曰得無碍時宰乎淵弗顧敕許之服闋差浙東提舉幹辦公事歷直煥

章閣知平江府兼節制許浦水軍提點浙西刑獄會衢嚴盜起警報至調遣將士招捕之以功累進右文殿修撰兼右司

檢正適政府欲用兵中原以據關守河為說淵謂國家力未能取即取之亦不能守丞相鄭清之不悅出知江州未幾邊

事一如淵言清之致書遜謝差知鎮江定防江軍亂兼淮東總領以功遷大府少卿歷權工兵戶部侍郎再以總領兼知

鎮江入對陳九事御史唐璘擊之遂仍前職提舉太平興國宮久之加寶章閣待制復起知鎮江兼總領歷寶章閣直學

士知太平兼江東轉運使兩淮流民入境者四十餘萬淵亟撫而濟之便令士著境內肅然加華文閣直學士工部尚書

歷沿江制置副使兼提舉南康軍節制蘄黃安慶屯田使湖南峒寇蔓入江右袁洪大震淵命將討平遷兵部尚書知平

江兼浙西兩淮發運使淵前知隆興鎮江及今平江歲並大浸淵全活者百八十餘萬人歷進端明殿學士沿江制置江

東安撫使知建康兼行宮留守節制和州無為安慶屯田使朝廷付淵以光豐蘄黃之事凡扞司空山金山剛臺三

大嵒嵯峨山鷹山什子山等二十二小嵒分列隊伍星聯棋
布詔以淵所列二十五事究心軍民拜資政殿大學士恩例
兼封金陵侯賜袞堂忠勤樓大字進爵為公歷觀文殿學士
川蜀領湖廣江西財賦湖北京西軍馬錢糧調兵二萬往援
卒贈少師諡莊敏於白河沮玉泉以功拜叅知政事越七日
學養士然政尚嚴酷故時有蜈蚣之謠著
有易解及退菴文集奏議宋史本傳

吳潛

字毅夫柔勝季子登嘉定十年進士第一授承事郎簽

災之由願陛下齋戒修省恐懼對越必使國人孚信毋徒減
膳撤樂而已闈宦女寵願勿親昵明詔三大臣力改弦轍
收召賢哲屏斥貪衰庶幾天意可回天災可息又言重地要
區當預蓄哲屏斥貪衰庶幾天意可回天災可息又言重地要
恤都民用老成選良將革吏弊六事歷太常少卿淮西總領
又白政府金人既滅與北為鄰當以和為形以守為實以戰
為應今內地荼毒不宜輕啟兵端其後淮師敗亡皆如潛言
遷太府卿兼權沿江制置建康府江東安撫留守疏論保
蜀襄防江海進取有甚難者三事端平初詔求直言潛陳顧
天命植國本篤人倫正學術畜人才恤民力邊事當鑒前轍

寧國府志

卷二十六

人物志 名臣

三

楮幣當權新制盜賊當探禍端而圖長策九事忤時相奉祠
改秘閣修撰太常少卿奏造斛斗輸諸郡租寬恤人戶培植
根本凡十五事知太平言和戰成敗大計宜悉救襄陽京西
既失當招收京淮精兵以保江西權工部侍郎兼檢正上言
赴請養宗子以繫國本鎮人心改權兵部侍郎兼檢正上言
襄漢潰決興沔破亡兩淮俶擾三川陷沒望陛下念大業將
傾士習已壞警於有位各勵至公則危者尚可安而衰證尚
可起也試工部侍郎知慶元府兼沿海制置使改知平江條
具財用凋敝本末以寬郡民與轉運使王埜爭論利害歷試
戶部侍郎淮東總領知鎮江府言邊儲防禦等十五事權兵
部尚書浙西制置使申論防拓江海團結措置等事進工部
尚書改吏部尚書知臨安府再乞選近族俟太子之生帝嘉
納兼侍讀經筵歷簽書樞密院事封金陵侯以早乞免召
兼叅知政事入對言國家今日之事封金陵侯以早乞免召
庸醫亦望而驚矣願篤任元老以病不倉扁望之而驚即
工使臣輩得効牛馬勃之助淳祐十一年入為叅知政事
拜右丞相兼樞密使明年以水災罷又四年授沿海制置大
使判慶元府兼條具軍民久遠計又積錢百四十七萬有奇代
民輸帛前後蠲逋稅五百四十九萬有奇祠封崇國公判
寧國府以醴泉觀使兼侍讀召入對論畏天命結人心進賢

才通下情進左丞相改封許國公元兵渡江攻鄂州別將由
大理下交趾破廣西湖南諸郡潛奏今鄂渚被兵湖南擾動
良由姦儉虛議迷國誤軍臣年將七十捐軀致命所不敢辭
所深痛者臣交任之日上流之兵已踰黃漢廣右之兵已陷
實柳謂臣壞天下事亦可不察積為宗社之憂因劾章鑿高鑄絕
響天怒人怨而陛下屬將立度宗為太子潛密奏云臣無彌遠
大才沈炎等不報屬將帝怒潛卒以炎論劾落職命下中書
之才忠王無陛下之福帝怒潛卒以炎論劾落職命下中書
舍人洪芹繳還詞頭不報責授化州團練使循州安置預
卜死日語人曰吾將逝矣夜必雷風大作已而果然四鼓開
霽撰遺表作詩頌端坐而逝循人聞之咨嗟悲痛德祐初追
復原官贈少師史稱潛忠亮剛直建儲之議必以正對人臣
懷顧望為子孫地者安能為斯言哉才長於奏對凡
三百餘疏載八世孫宗周所為年譜中宋史本傳

元貢師泰

字泰甫奎季子蚤肄業國子學為諸生泰定四年擢
第歷應奉翰林文字丁內艱服闋除紹興路推官山

陰白洋港有大船飄近岸史甲二十人適取鹵海濱見其無
主因取其篙櫓船中有二死人有徐乙者怪其無物而有死
人稱為史等所刦史傭富民高丙家事遂高史既誣服高
亦就逮師泰密詢之則里中沈丁載物抵杭而回漁者張網

寧國府志

卷二十六

人物志 名臣

四

海中因盜綱中魚為漁者所殺其冤始白游徼徐裕以巡鹽
為名肆暴村落間一日遇諸暨商奪其所齎錢撲殺之投屍
於水稱私鹽犯畏罪自溺告縣官檢視有傷以疑獄釋泰
覆按之具得裕殺人狀餘姚孫國寶獲姚甲造偽鈔受賂釋
之執高乙魯丙赴所司誣以同造高但為姚行用實非自造
孫既舍姚因加罪於高魯與孫有隙故連及師泰詰之辭屈
而情見即釋魯坐高以本罪姚論死孫亦就法其詳讞之明
多類此秩滿復入翰林為應奉預修后妃功臣列傳歷翰林
待制國子司業拜監察御史元制臺省之職斥南人不用南
人居臺省自師泰始至正十四年除吏部侍郎江淮兵起京
師乏食詔師泰和羅均其徭役數十郡之民賴以稍蘇豪貴深
都驛戶驗其貧富均其徭役數十郡之民賴以稍蘇豪貴深
嫉之會仍和羅浙西遂除師泰都水庸田使十五年遷福建
廉訪使除禮部尚書未赴調平江路總管甫視事張士誠兵
渡江圍城明年春守將弗能支斬關遁去師泰領義兵力戰
不敵亦懷印綬棄城去匿海濱者久之士誠既納降江浙行
省丞相達識帖睦爾以便宜授師泰兩浙都轉鹽運使至則
剔積蠹通利源大課以集二十年除戶部尚書俾分閩中
以鹽糧給京師凡數十萬石二十年除戶部尚書俾分閩中
海寧卒師泰性倜儻儀狀偉然以文學知名而優於政事所

至著績喜推轂後進士譽翕然歸之著有詩
經補註友迂玩齋蠟竅閩南東軒諸集行世

按舊志作天歷二年擢第元史本傳作泰定四年宣城志

亦作泰定丁卯李黼榜自應以史為正

明張綸

字大經湖廣參政煜之孫煜父當戍邊煜自請行朝廷憐其志聽以弟皞代累功為富峪衛千戶綸因占籍領

順天鄉薦成化甲辰舉進士知鹽山縣誅鋤豪惡奪貴戚侵田擢監察御史巡通州倉故人蔀苞苴謁者謝弗見嘗按真定諸郡平鄉令欲增淤田稅百餘頃檄報淤決不常可遺民患陞光祿少卿歷大理寺卿興襄二府爭灘地連逮七詔推治博野慶成二王獄稱旨降勅褒諭累官至右都御史時政柄下移中官用事正德十六年綸奏惡黨秦用等當誅不可赦連及巨璫蕭敬等從中間之月餘不下因乞致仕許之還宣城卒贈太子少保綸筮仕所職必求稱在言路持論必持大體恥毛舉以為名李東陽稱其善自樹立非狗世浮沉者可望也著有出巡錄憲臺奏稿棘臺駁稿敬亭文集子乾幹韓乾領順天鄉薦仕至南京戶部員外郎遼府長史幹亦領鄉薦南京大理司務韓蔭卽墨知縣乾隆府志

寧國府志

卷二十六

人物志 名臣

五

梅守德

字純甫少雋朗與同郡周怡善吏部尚書李默判郡日深器之登嘉靖辛丑進士授台州推官台臨海強

族多闡出中國貨姦民互市鈎致倭寇守德請御史下其事按治勢家屏息郡賴以安擢戶部主事監徐州倉時輔臣嚴嵩威虐朝士給事周怡御史楊爵員外劉魁以忤繫詔獄守德作三君詠寄之改吏科給事中彈劾益有聲府尹胡奎因高戚驟遷工部侍郎疏其貪狀以聞方士徐可成與嵩比以禱祀得幸為太常卿又疏駁弗許嵩銜之轉戶科給事中册封遼藩出知紹興府時兩浙倖熾數殺守臣嵩表守德材畧遂有是命實擠之危地也守德怡然就道繕城蒐卒興學教士均田賦核湖稅民稱便陞山東曹濮兵備副使改督本省學政世宗方勤醮祝令陶真人祈年泰山陶怙寵有所干請斥弗為禮遷雲南叅政以母老不赴歸建書院講學世稱宛溪先生隆慶中屢薦不起守德敦文學尚氣節居垣中多所建明見忌權姦故不得大用著有寧國府志徐州志宣風集古今家誠無文漫草等書子鼎祚見文苑傳同上宣風

徐元太

字汝賢嘉靖乙丑進士知江山縣丁內艱服闋補魏縣政績卓異擢吏部主事嘗分校萬歷丁丑闈試所

寧國府志

卷二十六

人物志 名臣

六

應祥傳及乾隆府志合纂

徐大任

字重夫，隆慶戊辰進士，授工部主事，留心國儲，歲汰免宣船回空，遞役之苦，秩滿，篋中惟敝衣數襲，歷官中外，皆以廉稱，嘗權知京兆尹事，出俸錢置學田數百畝，瞻太學生徒，多所獎植，以工部侍郎致仕，歸大任，研究學，清介，恭謹，雖位列卿貳，所居僅蔽風雨，神宗嘗稱其清節，為天下第一。

時人比之范萊，燕云弟大望，萬歷戊辰進士，知番禺縣，亦以廉稱。乾隆府志

詹沂

字浴之，隆慶辛未進士，授新寧縣，有惠政，徵拜南吏科給事中，值星，變上疏，修實政，以應天警糾，政府私人，十餘人，沂宰臣張居正，所取士也，奪情議起，南省臣希旨，乞留，疏具沂不肯署，曰：「事繫綱常，吾不能媚宰相，取姍後世及。」

居正給假治喪，畢，南中疏趣還朝，沂曰：「彼未有終喪，意趣之何為？」居正頗憾之，遷山東副使，尋議裁革冗員，置沂革籍中。勒歸里，起知奉化縣，轉祠部員外郎，遷光祿丞，歷尚寶。太常太僕卿，權應天府尹事，應天歲額絲價數萬，例存十一，佐公費，却不受，擢都察院左副都御史，會勘妖書獄，株連數十人，沂與戶部尚書趙世卿禮部侍郎李廷機私於時，相曰：「一」

拔皆名士，時首輔張居正怙勢，薰灼其子弟，就試，主司相戒，勿遺元太，獨持論，非之，得懋修，敬卷，並摘其紕謬，置勿錄。

事竣，宰臣以積郤，摘元太，同邑沈懋學為嫌，將諷御史論之，會廷對，上親擢懋學，第一，事遂寢，左遷山東叅政，居正疾甚，巡撫及諸藩臬禱於岱元，又獨不往，眾大慚，改陝西副

察使，思中以危，法值居正歿，稍遷，至順天府尹，都察院右副

都御史，時蜀中河東楊柳寨酋喇嘛與灣仲占柯等族擁眾，入平裔堡，大肆殺掠，河西偏頭小姓諸部皆應之，西南大震。

事聞，以元太巡撫四川，至則指授方畧，謂二寇雖成犄角，勢

河東尤桀黠，首禍，翦此河西，則可不戰而下也。遂檄西陽播州

馬叙平，茶土漢兵，悉擊之，生擒喇嘛，灣仲復擊斬占柯，連拔

諸砦，焚碉房千六百，有奇，生擒賊魁三十餘人，俘馘以千計。

元太悉討平之，拓為患，明年，建昌越馬湖撤假，諸酋復大逞

歷刑部左侍郎，轉戶部總督倉場，加正二品，服俸，權知兵部

左侍郎事，陞南京刑部尚書，遂乞歸，家居十餘年，卒。元太狀

貌嶽嶽，丰稜嚴正，於書無所不讀，尤曉暢軍事，鎮蜀數載，勳

畧為人所傳，頌大學士劉字亮為作傳，平番紀功，諸碑著有

史鑒吟，易編，喻林，撫蜀，奏議等書，子臣慶，萬歷壬午鄉薦，工

詩，早卒。有白龍草，廷慶廕，未仕之慶，刑部郎中，採明史，李

嫩生光可以蔽獄矣羅織其可既乎事乃解時咸寧令滿朝
薦以事忤璫被收沂固請得釋楚藩之變陳善後事宜凡親
王違制撫按皆得以白簡從事乞書帕開宴打鬧惟一日除夕
上謂左右曰此時廷臣受外覲官數召對賜羊酒鏹幣
時喬李廷機副都詹沂三人清寂可念數封印出國門候命
其為上所知如此累疏乞歸不遂解組冠行者挂冠自
沂始歸即以潔身名其堂分祿瞻族人年八十卒贈左都
御史賜全祭葬沂質簡易恂恂退讓而自任風紀之重屹
不可奪長子應鵬詳宦業次子應鳳廩例生有文學以行誼
稱於鄉採吳肅公傳

沈懋學

字君典侍御史寵子性跌宕風骨奇矯工草隸詩古
文詞善騎射數往來塞上談時事人多奇之萬歷丁

丑進士廷對第一授翰林修撰嘗遇日優會輔臣張居正
旨御書謹言行明義禮六字以賜眷遇日優會輔臣張居正
以母喪奪情臺省希旨保留懋學奮然與同列趙用賢中
行輩約各上疏論列吳趙疏先入被旨廷杖懋學急持章往
救大畧謂元輔之去留為天常所係言官之忠佞為國是所
關臣觀某等所言誠不忍居正陷於不孝言官陷於不忠耳

寧國府志

卷二十六

人物志 名臣

七

今赫然震怒摧直入長安門格不得上居正子嗣修同年生
言者語甚剴切袖入長安門格不得上居正子嗣修同年生
也乃三貽書勸嗣修諫嗣修不能復貽書工部尚書李幼
孜幼孜報曰若所言宋人腐語趙氏所以不競也張公不奔
喪與揖讓之甚將圖中之偶同邑生吳仕知之懋學遂引疾
歸居正聞之恚甚將獄脅使連懋學吳死不承自是扁
書中丞胡欖以誹謗下之獄脅使連懋學吳死不承自是扁
舟野服放浪西湖苔雪間尋登白嶽憇九華或痛飲歌詩挾
聲伎自污居數年居正頗悔欲復其官值病卒福王時追諡
文節著有郊居集子有則萬歷庚戌進士詳文苑傳採明
史本傳及乾
隆府志合纂

張守道

字岸先萬歷甲辰進士授戶部主事視南徐倉有
使採木過徐服役民助輓甚困守道為捐倉羨以代徭

徐民德之以內艱歸服闋補武選司員外郎朔望必禮楊忠
愍祠刻其奏議蓋忠愍嘗以武選主事抗節死故也所理軍
政精覈異羣僚尋調吏部稽勲司歷驗封考功郎廉謹澄清
時稱水鏡適魏璫獨守道毅然乞南還得南太常寺卿諸
貴人謁魏祠如驚獨守道絕不入崇正初轉工部侍郎
奉先殿及內外城罷蕪關小舫稅兼署戶部度支調攝饑軍

無遺策以積勞卒詔賜祭葬贈工部尚書廕一子守道謙抑
孝友嘗惡其兄難至破產母卒廬墓三年虎繞其墓三月始
去家居不近姬侍嘗構濯纓亭於澄江橋畔人思其清德云
孫廷綱由恩廕官惠州知府乾隆府志

國朝梅錡

字爾止康熙丁未進士知大寧縣故凋敝錡起瘡痍勤
政教俗遂大振除監察御史疏論漕艘沿途積弊請釐

剔以裨漕政又以鄉會定限太速請展期詳閱並正文體俱
允行累遷副都御史巡撫福建

聖祖親書摠誠信三字賜之閩西郭外晉時鑿湖瀦水以資蓄泄歲

久而淤歷元明幾為平陸銷按圖經返侵地募民疏濬田廬

不憂浸暵舟楫通行又疏請積穀備賑會歲饑便宜平糶民
賴以濟撫閩三載簡重鎮靜政持大體凡海邦名勝先賢遺

蹟悉加表揚以志景仰琉球歲來貢琛向有私覲例錡却不
受貢使悅服肖像歸祀古田令陳瓊慈惠清介錡疏薦之

亦撫閩閩人崇祀名宦錡性狷介官四十餘年不置一媵亦
未嘗以家屬自隨杜苞苴謝請托雪冤除弊清名上達仕至

左都御史致仕歸卒三子勗成安慶府
訓導勗成子裕長中甲辰鄉榜 同上

按江南通志爾止作爾熾大寧作太平

寧國府志

卷二十六

人物志 名臣

八

阮爾詢

字于岳士鵬子康熙壬戌進士由庠常改御史有直
聲湖廣以制府兵變議裁總督詢疏言楚地方數千

里兩巡撫分疆地廣勢懸於形制非便請仍設總督以重彈
壓民間輸賦其印票存民官吏或借核查為名收票不即給

每以無據重徵請一切串票並用三聯一貯官一存驗一付
民以杜宿弊亳州民李殿機以罪屬入象房後為旗弁僕其

聘妻王氏千里尋夫詢奏給完聚並允行為順天丞以京師
多遊學之士請另設籍錄生童時論躓之累官工部左侍郎

卒

賜祭葬著有南紀堂詩集問庾樓集子正頤廕主事 同上

梅穀成

字玉汝徵君文鼎孫舉人以燕子也幼渾然端重甫
七歲授之算一日而乘除具康熙乙酉徵君

召見於德州穀成侍用泰州陳厚耀薦直 內廷
聖祖稱其能承祖學

御書承學堂額賜之癸巳 賜舉人已未 賜進士入翰林修樂律
歷算書兼主算歷書成乞歸省至家適徵君病逾月卒服除

赴職

世宗嗣位進見即稱善甄別列一等兼充國史會典各館纂修己酉

遷江南通道御史巡通州漕累遷通政司叅議順天府丞宗人
府丞乾隆丁卯晉左副都御史先是任鴻臚奏真人張遇隆

不得朝曰孔子大聖後裔襲公爵顏曾思孟大賢也襲不過
博士而儒林不勝其榮者尊賢有差等故名器重也真人何
功能膺極封且世襲

詔可之道士禁入朝自此始前後章奏累數十多施行戊辰進刑部
右侍郎拜都察院左都御史壬申補經筵講官明年冬致仕
恭逢

南巡詔曰梅穀成清素可念賜子欽舉人一體會試
幸江寧

賜詩有無欲有精神閉門惟教子下榻不延賓之句其為
聖主深知如此穀成性廉約既致仕推宣城舊產畀姪挈家居江寧

卒年八十三
賜祭葬諡文穆所著詩文集如干卷奏議如干卷算法歷學諸書已

入四庫全書中子鈔乾隆庚午副貢生宣城籍孫法優貢生
婺源教諭冲庚申舉人上元籍採御史趙青藜傳增

南陵

宋徐勣

字元功舉進士調吳江尉除桂州教授王師討交趾轉
運使檄勣從軍地瘴險役者多道亡捕得千餘人使勣

杖之勣以羸病不勝杖請涅臂使者怒欲并劾勣勣終不為
奪大將郭逵逗遛不進勣謂副使趙高曰師出淹時主帥無

寧國府志

卷二十六

人物志 名臣

九

討賊意何由成功因言於朝中謂斷者人主之利器今諸將
卒首讎不進惟斷自上意而已既而逵高坐貶舒亶將以御
吏薦勣惡亶為人辭不答知建平縣入為諸王宮教授判通
澗瀕海有隄廢不治勣躬率護築民賴其利復教授廣陵申
王院改王府記室參軍哲見其文獎之欲以為左右史未
及用徽宗立擢寶文閣待制兼侍講遷中書舍人修神宗實
錄時紹聖黨尚在朝帝謂勣朕每聽臣僚進對非詐則諛惟
卿鯁直朕所倚賴因論擇相召范純仁韓忠彥勣頓首賀曰
得人矣詔同蔡京校五朝寶訓勣恥與京伍固辭奏京惡引
盧杞為喻遷給事中翰林學士上疏陳時要任賢求諫選用
破朋黨明功罪六事國史久不成勣言由元祐紹聖史臣好
惡不同范祖禹等專主司馬光蔡京兄弟純用王安石議論
紛然宜悉取當時輔相家藏紀錄參訂是非勒成大典帝然
之命勣草詔帝初銳欲損革新法曾布乃密陳紹述之說帝
不決以問勣勣曰聖意非欲兩存乎今是非未定若不考實
姑務兩存未見其可又論棄湟中請自今勿妄興邊事京以
勣與何執中官邸舊僚曲意事之勣不少降尋請歸省或言
學士未有出外者帝曰勣告歸耳非去朝廷也奈何輕奪之
俄而居喪京入輔執中亦預政摘勣行章惇詞為詆先烈服
闋主管靈仙觀入黨籍起知江寧府復論罷大觀三年知太

平州入覲極論茶鹽法為民病曰不見卿久今日乃聞讜言加
不足在明詔有司講行耳帝曰不見卿久今日乃聞讜言加
龍圖閣直學士留守南京蔡京自錢塘召還過宋見勸諷之
曰元功遭遇在伯通右伯通既相矣勸笑曰人各有志吾豈
以利祿易之哉京慚不能對勸亦終不復用以疾除顯謨閣
學士致仕卒年七十九贈資政殿學士宋史本傳
一嘗出使徐州倣汲黯事便宜發倉賑饑上賜衣幣宴禮部
旌異之擢河南右布政治益有聲景泰立召為刑部左侍郎
時迤北警報日至詔分遣材望大臣協同鎮撫提督操練
獨總理大名河南鳳陽淮安團練義勇為勤王計所過境內
災傷設法賑濟遠近德之尋
致仕卒賜祭葬 乾隆府志

明丁鎡

字永時永樂中以書法徵入國子監除戶部主事歷陞
刑部郎中出為兩浙都轉運使以廉能治行選天下第

國朝劉楷

字子端觀察有源孫康熙己未進士授中書舍人陞刑
科給事中疏請飭督撫嚴戢訟師轉掌戶科印疏論督

撫保舉學臣請停止公明尤著一條又請嚴河臣保題以杜
冒濫又請嚴戢左道禁止邪說皆允行他所論列未見施行
卽削稿人不及知而丰裁蹇諤無愧直臣擢通政使叅議轉
鴻臚卿奉

寧國府志

卷二十六

人物志 名臣

十

命祭告陝西黃帝以下諸陵屏絕供億還陞右通政轉光祿卿尋致
仕歸以菩提自娛楷幼喪父矢願旌母節復條編置義田以
贍族後卒成其志陵邑人文日盛楷請當事題
改大學鄉里德之卒年七十二祀鄉賢 同上

涇縣

宋凌策

字子奇少孤貧勵志入廬山同姚鉉力學登雍熙乙酉
進士授廣安軍判官改西安節度推官以強幹聞歷左

贊善大夫判定州賜緋衣御書歷給實俸李順以川陝叛策
自陳三洩蜀境請行卽命知蜀州徙綿州加太常博士擢廣
西西路轉運使咸平初遷屯田員外郎入為戶部判官先是
嶺南輸香藥用郵卒萬人肩負策請陸運至南安汎舟而北
省費無算轉職方員外郎直史館賜金紫命知廣州廣英路
自吉河趨板步二百里每夏瘴起行旅輒死策請由英州大
原洞伐山開道直抵曲江人以為便代還知青州拜都官郎
判三司三勾院出知揚州屬江淮歲儉頗有盜賊以策領淮
南東路安撫使時洪州水潦王旦奏策可寄方面徙知洪州
兼江南轉運使饒州產金禁商市鬻或有論告逮繫滿獄策
請聽民販市官權算人便之祥符中召拜右諫大夫集賢
殿學士知益州兩川錢多盜鑄策請鑄大錢以一當十從之

代還上有意擢用會病命知通進銀臺司兼門下封駁糾察
在京刑獄是秋拜給事中權御史中丞命同李迪呂夷簡議
權茶法視舊稍寬明年疾劇遣使存問賜名藥求典本郡以
工部侍郎知宣州卒錄其子瓘並為奉禮郎策勤吏職處
事精密所至有治蹟真宗嘗對王旦言策有才可代者蜀敏而
能斷旦復稱其性淳質和蒞事強濟旦病上問可代者薦策
與李及十餘人策兄簡國子
博士分司南京宋史本傳

劉琦

字公玉父涇景德乙巳進士仕屯田員外郎太子贊善
本宣城人徙涇琦少博學慶歷丙戌登第調分寧簿移

鍾離令大姓陳氏子殺人誣平人求免琦得其賂於死者家
置之法歷績溪舒城清約不擾邑人思之累遷屯田員外郎
簽書寧國軍判官改都官員外郎熙寧初召為侍御史神宗
親題其譜系曰漢室中山裔皇朝侍御家一時恩寵為盛會
城綏州羗數入鈔畧琦言棄之便又論皇族推恩無紀請以
禮降殺之浙西漕渠役甚小使者侈其功獲遷被旨置獄東
南官吏震恐琦按治首事者二人而已朝議躋之及劾王安
石挾術媚上私意用人變法不當凡十事因并論曾公亮趙
抃畏辟固寵坐貶監處州鹽酒稅司馬光力爭之不得時琦
與劉述錢顛並以謹行汎舟東下酣詠山水為樂改職方員
外郎判鄧州按獄唐州致仕歸卒琦立志峻潔銳於為義家
無餘貲琦亡諸子猶借屋以居史稱其窮厄死無悔而聲名
著於天下後世子讀非熊並登
熙寧庚戌進士宋史本傳

明董傑

字萬英性端謹平居無惰容家食時即以天下為志舉
成化丁未進士時暑月輟講御史湯鼐及知州劉概等

選亦抗疏爭由是知名除沔陽知州值歲旱蠲租賑乏民賴
之甫數月會四川饑中書舍人吉人薦湯鼐及知州劉概等
可使主賑御史魏璋陳璧希閣臣劉吉指言鼐概及主事李
文祥庶吉士鄒智知州董傑皆黨人互相標榜詆毀時政遂
逮傑等下獄欲盡置之死賴尚書何喬新侍郎彭韶力持之
傑得謫四川行都司都事累陞刑部員外郎中選保定知府
淹獄千餘人甫半月剖決殆盡霸州有盜警傑練兵儲粟民
藉以無恐為立生祠祀之陞山東左叅政歷廣東河南左右
布政正德六年江西盜起巡撫王哲兵敗擢傑右副都御史
代之時宸濠反形已具屢遣傑拒不受且時諷以忠義濠
知不可奪每朝見輒留飲一日飲歸語家人曰吾今日飲寧
府洒首眩腹脹豈有異耶次日歿體皆赤家人不敢言貧不
能發喪有司啟視其篋白金不盈兩咸為嗟歎尋賜葬傑
潛心理學時稱孝友忠信嘗作七士辨以明學術邪正歷仕

數十年所在盡職得民心著
有五城文集乾隆府志

蕭彦

字思學隆慶辛未進士除杭州推官萬歷初擢兵科給事中

中國逋亡設耳奈何招漠北人宜一切報罷從之轉工科給事中閱視陝西四鎮邊務還奏訓兵儲餉十事並允行進戶

科都給事中初行丈量法延寧二鎮益田萬八千餘頃議徵賦彥言西北墾荒免科祖制也况二鎮多沙磧奈何定額使

初集流民懷去志遂除前令詔購金珠已停市命輸直內庫彥言不當虛外以實內詔取黃金三千二百兩彥又力請減

半均不從尋上言察吏之道不宜視催科為殿最隆慶五年詔征賦不及八分者停有司俸至萬歷四年又以九分為及

格又令帶征宿負二分是民歲輸十分以上也有司憚考成必重敲朴民力竭則流亡隨之臣以為九分與帶征二議不

宜並行所謂寬一分民受一分之賜也未幾浙撫復以舊例請彥疏爭乃已擢太常少卿以右僉都御史巡撫貴州都勻

答千巖苗叛土官蒙詔不能制彥檄副使楊寅秋破禽之改撫雲南時用師隴川副將鄧子龍不善御素驕之兵餉少緩

遂作亂逼永昌趨大理抵瀾滄過會城彥調土漢兵討之斬首八十撫散脅從事聞資銀幣自緬甸叛孟養車里二宣慰

寧國府志

卷二十六

人物志 名臣

十一

久不貢至是修貢撫納之尋以副都御史撫治鄖陽進兵部右侍郎總制兩廣軍務日本朝鮮會暹羅入貢請潛師直

搗日本牽其後尚書石星議從之彥言暹羅處極西去日本萬里安能飛越大海請罷其議星執不從既而暹羅兵卒不

出召拜戶部右侍郎尋卒上聞哀悼賜祭葬贈右都御史諡定肅廕一子彥少從同縣查鐸學有志行服官二十餘年明

習時事所在見稱立朝多讜言四任開府節制諸番恩威並著在黔則破砦禽巨逆在滇則靖亂兵杜暹羅之請皆不動

色折陰萌又雅善文詞多著咏弟雍廣東按察使時稱二蕭詳儒林傳明史本傳

趙士登

字應庸萬歷庚辰進士知武昌縣調黃岡時行清丈及圉圖方恐諸囚逸視之悉蒲伏庭下曰吾屬罪應死安敢

逋逃為明府憂以治最擢御史出按貴州值安酋亂協謀督撫討平之再按江西歲澇發粟賑貸所全活無算廷議以河

決請加賦士登力持不可竟得免轉河南道掌京察疏請專責成廣咨詢公權衡辨名實不刻覈以傷善類不疎漏以進

莫敢干以私奏牘中陞大理丞進少卿遷僉都御史正已率屬實政以答天譴又論大僚多曠懼國事叢脞語皆切至卒贈

實政以答天譴又論大僚多曠懼國事叢脞語皆切至卒贈

右都御史蔭一子士登平生孝友祖母病革籲天請代母歿
慟絕復蘇旦必問父安否遺產悉讓二弟立朝時凡所忤者
有惡仍為曲解其度量類如此留心學問服膺薛文清王龍
溪語錄手未嘗釋著有省身至言十卷 乾隆府志

葉永盛 字子木 萬曆己丑進士 除蘭谿令 徵為御史 巡視浙
直鹽政 中使劉成來權稅商竈震懼 永盛召慰之曰

閹虐若等 吾力爭不聽 且將讒我於上 以諸逮繫者 相恐吾
善病且死 孰與死杖下 活若等 疏辭愷切 上悟不直 闖按江

西首糾大僚 不法諸貪吏 望風解綬 闖寺黨連武弁 復有京
口儀真 獻店設榷之議 永盛抗疏 請斬宵人以安衆心 議遂

罷 巡長蘆 蘆溝諸道 簿領殷湊 訊讞填委 纖悉無遺 人方之
費禕 劉穆之 居御史九載 疏凡數十 上糾闖寺 劉成 張煜 馬

堂懲戚 晚李誠 摠折武弁 鄭一麟 馬承恩 摘巨奸 高時 夏胡
時順 戚劉元珍 以論沈一貫 昵留私人被 謫永盛 抗章爭之

又嘗劾冢宰 孫丕揚 擊籤定地 非銓法 而推重新 叅李建 機
有楊縮 房杜之節 墾屯田 千頃 請賑金 七萬 直聲震中外 累

陞太僕寺卿 卒 永盛少孤 弱為人 所辱 其子解之後 遇於途
子惶恐 謝笑曰 吾德若忘 若父矣 有歸侵地者 謝不受 曰 孤

被奪而貴 受之吾不為也 若自今 無侮孤寡矣 鄉有富人坐
讐誣論死 餽數百金 乞援 解盛麾之去 而陰為救 免同官王

寧國府志

卷二十六

人物志 名臣

十三

嘉賓周家棟 旅死 厚殮之 祿賜分給 以親疎為差 歷治皆肖
像尸祝焉 疏稿四冊 載文獻通考 子天眷 舉人以文行世 其

家同 上

寧國

孫吳朱治

字君理 故鄣人 察孝廉 辟從事 隨孫堅 征伐有功 表
行督軍 都尉 堅薨 扶翼策 依袁術 勸策還平 江東策

薨 與張昭等 尊奉 權建安 七年 權表為 九真太守 征討 夷越
佐定 東南 截黃巾 餘類 黃武元 年封毗陵侯 二年 拜安國將

軍 金印 紫綬 徙封 故鄣 權嘗 歎治 憂勤 王事 優異 之是時 丹
陽深 地頻有 姦叛 亦以 年向老 思戀 故土 自表 屯故鄣 鎮撫

山越 諸父老 故人 莫不 詣門 治皆 引進 與共 飲晏 鄉黨 以為
榮歲 餘還 吳黃武 二年 卒年 六十九 據三國志 本傳 增

按太平寰宇記漢末分宛陵南鄉置寧國縣吳景帝時屬

故障郡是寧國於故鄣為近故以治為寧國名臣之首

明屠羲英

字淳卿 嘉靖丙辰 進士 授戶部主事 歷祠祭郎 中督
學 浙江 校士 嚴正 抑浮華 絕干請 雖要津 朝貴書 概

束不省都人士咸心服焉萬歷時張居正當國薦陞南光祿卿改太常寺轉祭酒居正移書曰公督學浙中屹然執憲不
可奪誠務躬行不事空譚者今在胄監亦當如督學時毋長
諸生傲僻也英性故嶽益訓飭有條士風丕變人謂陳文
定後一人而已無何居正禁講學英曰官可一日便棄學不
可一日不講毋為僞學則可耳與同志士大夫會講不輟居
正丁母憂廷議奪情起復南北部寺卿貳連牘保留請署名
英曰今日朝廷無江陵之綱常亡忿然擲筆出時都御史
之綱常在江陵無母天下之綱常亡幾三鳳會祭酒秩滿
張岳御史朱鴻謨亦論劾居正推為南幾三鳳會祭酒秩滿
當遷上曰屠羲英不媿為士楷模當令久掌成均御書春風
化雨蔚為人宗八字賜之尋病乞歸構精舍山居讀書終老
居正既歿朝臣交薦堅卧不出卒賜祭葬贈刑部侍郎子四
次玠極萬歷庚子丁未以春秋冠兩闈仕終南安知府三玠
圭與兄玠極同舉於鄉
並稱廉正 乾隆府志

仙克謹 字仲恒幼時有僧奇之曰此兒異日必開府長穎慧
善讀書尤殫心經術成萬歷丁未進士知隆平縣苦
旱捐俸給民穿井七百有二十民立石識之曰仙井邑無城
又力城之尋調建安隆民泣送者塞路抵建安會水患多漂

寧國府志

卷二十六

人物志 名臣

十四

溺築堤建橋民困以濟壬子分校閩善品鑿大學士楊景
辰大宗伯張維機皆出其門尋擢部曹歷兵部職方司郎中
轉山西兵備副使駐陽和邊事孔棘克謹親登陴指揮防禦
無遺力敵為奪氣自是五載不敢犯境天子以為能崇正初
擢副都御史巡撫山西提督雁門偏頭寧武三關條防邊策
洞悉機宜語具三晉奏議中嗣引疾乞歸上以忠勤慰留至
再屢疏方許歸築室溪上閉戶罷竿牘置義田立義學十數
年卒著有籌勝必覽聲溪藥言等書 同上

旌德

明周希旦

字汝魯嘉靖壬戌進士任興化府推官擢陝西道御
史首疏崇正學養聖躬上幸太學賜金幣時新鄭當

國恃宮僚舊恩專恣希旦論之直聲震一時丁艱歸服除臺
省交薦起浙江道御史疏請罷內閣定大峪山議以扈蹕幸
西山再賜金幣又請止入貲正士習侍經筵賜宴掌河南道
計吏甚公巡視京營請補伍足餉遷南尚寶司卿大理寺丞
多平反轉應天府丞時苦旱疫希旦兩疏發金二萬賑濟
又多方備粥藥以贍救引年歸卒祀鄉賢 同上
郭建邦 號宣嶽天啟壬戌進士初任家居者六年璫燄灼朝貴
競走其門建邦恥之因告歸家居者六年璫燄灼朝貴

擢兵科給事中轉吏科凡選將計吏舉賢劾倭敷陳亢直無所避忌遷尚寶司少卿通政司通政適戶部以兵餉孔亟檄加寧廣山稅建邦詣巡按御史力言旌邑山瘠加稅三千餘兩民不堪命御史為疏請得免遷太僕寺卿捐俸八百餘兩助買馬佐軍實陞順天府尹勤心撫字會久旱虔禱三日雨隨注冬久雪虔禱雪隨止因疏陳民間疾苦請修補助故事時三輔饑建邦捐俸助賑民戴之如慈母歌頌之再捐俸助修城河工擢工部左右侍郎數召對與枚卜以督工東角樓致疾乞歸卒著有芝林居集詩文六卷祀鄉賢同上

太平

宋孫楸

字德操紹興甲戌進士歷判池真郢三州所至以均稅

高宗廷獎曰天下有邨而辦有不邨而辦卿所謂邨而辦者也嘗論公生明上問何以生公對曰廉生公又問何以生廉對曰儉生廉上稱善累遷知太平州尋移温州學宮故有秦檜祠楸至亟命撤之朱熹稱其愛立而教明古良吏也後韓侂胄用事以秘閣修撰致仕歸宋史本傳

寧國府志

卷二十六

人物志 名臣

十五

明崔涯

字若濟八歲能文由嘉靖己丑會魁擢御史遇事敢言

河東條陳鹽政七事歲大裨疏發鹽課七十萬以賑蒲解之民賴以全活繼按福建始下車立糾一墨吏聞風解綬去者七人陳山海十二策悉中利弊比亢旱有司禱弗應因疏滯獄從寬恤親禱為守令先霖雨周渥時稱為御史雨尋以劾冢宰汪鋌忤旨見斥會倭寇東南部院臺省薦天下名士三人唐順之鄒守益及涯以老疾固辭築室銅山賦詩終老涯學術醇正始從湛甘泉游叙古文小學構考亭書院奏入羅豫章李延平從祀文廟清風令德無愧古人著有筆山文集十卷卒祀鄉賢乾隆府志

周怡

字順之為諸生時嘗曰鼎鑊不避溝壑不忘可以稱士

授順德推官舉卓異擢吏科給事中疏劾尚書李如圭張瓚劉天和尋又劾湖廣巡撫陸杰工部尚書甘霖採木尚書樊繼祖立朝僅一歲所推擊悉當事勢力大臣在廷側目怡益奮不顧會吏部尚書許讚訐大學士翟鑾嚴嵩私屬事帝方嚮嵩反責讚怡上疏曰人臣以盡心報國為忠協力濟事為和未有公卿大臣爭於朝文武大臣爭於邊而能修內治

禦外侮者也大學士鑾嵩與尚書讚互相詆訐而總兵官張鳳周尚文又與總制侍郎翟鵬督餉侍郎趙廷瑞交惡此最不祥事誤國孰甚今陛下日事禱祀而四方災祲未消歲開輸銀之例而府庫未充屢頒蠲租之令而百姓未蘇時下選將練士之命而邊境未寧內則貨財匱而百役興外則寇敵橫而九邊耗乃鑾嵩憑藉寵靈背公營私播弄威福市恩報怨輔臣真知人賢不肖宜明告吏部進之退之不宜挾勢徇私嵩威靈氣燄較轢百司凡有陳奏先探其意旨而後敢聞於陛下中外不畏陛下惟畏嵩久矣鑾洪恣靡讚雖小心謹畏然不能以直氣正色銷權貴要求之心且直言敢諫之臣於權臣不利於朝廷則大自也御史謝瑜童漢臣以劾嵩故嵩皆假他事罪之諫諍之臣自此箝口雖有檇机驩兜誰敢復言帝覽疏大怒詔杖錮獄三年以乚仙言釋之未幾復逮又三年大高元殿災相傳火光中聞有呼三人忠臣者遂又釋之三人者御史楊爵員外郎劉魁及怡並以言同繫者也隆慶元年以給事擢太常少卿陳新政五事語多刺中貴由是忤旨出為登萊兵備僉事給事中岑用賓為怡訟不納改南京國子司業復召為太常少卿未任卒怡方介峻潔論事輒義形於色推明正學每言至誠無息為大宗屋漏不愧為實用先後繫獄五年屢瀕死日與爵魁切劘講論忘其

寧國府志

卷二十六

人物志 名臣

十六

困蓋忠亮天植云天啟初追諡恭節著有訥溪文集二十七卷行於世明史本傳

寧國府志卷二十六

人物志

忠節

宣城縣

晉俞縱

咸和初為桓爨部將蘇峻亂爨遣縱守蘭石與峻將韓晃遇衆寡不敵左右勸其退守縱曰吾受桓侯恩厚吾

之不負桓侯猶桓侯之不負國也力戰死寇平贈興國太守晉書

宋王相如

字次卿知微曾孫孤貧嗜學年四十不娶或問故曰恐廢學也呂右丞好問守宣州得士四人詹友端李

宏周紫芝相如與焉讌集必與四人俱建炎初江右盜起相如逃匿山中為賊所得州有檄招附賊令屬草報州相如奮髯叱曰吾死不為賊作牒遂遇害一門皆死僧毅達得其遺稿三百七十餘篇號溪堂集周紫芝序稱為仁者之勇云

一統志

寧國府志

卷二十六

人物志 忠節

一

詹友端

字伯尹少儻強學博極羣書政和丙申領鄉貢第

戚方圍宣城州守李光分城守禦友端數出奇謀每匹馬輕裘奮當鋒矢以為衆倡賊平補迪功郎調監池州贍軍酒庫

會盜發鄰鄙郡委友端攝西安尉與賊力戰中流矢卒年四十三詔錄其子雷贈大中大夫友端慷慨報國死所自許周

紫芝哀之云勇吞百蠻志存黼辰奇禍一作含憤就斃司勳弗賞史官弗記徒使勇士忠臣怒目飲泣為可悲焉採宣

和五年知廣德軍方懋德傳及稊米集合纂

趙汝彞

居嘗善射嘉熙元年通判文州北兵來攻與知州劉銳率軍民七千人晝夜搏戰殺傷甚衆城守踰兩月

乏援城中水汲於江會陳昱以失沔編置文州夜出降告敵虛實攻益急一夕移江流數里外銳度不能支集其家人飲

藥死城陷銳自刎汝彞提雙刀入陣中十六矢被執先斷其兩臂後斃殺之事聞汝彞立廟賜諡宋史劉銳傳

吳寶信

字叔誠柔勝之後以廕為龍泉令時元阿刺罕入臨

州港會蒲壽庚亂率淮兵百人力戰死妻饒載烈女傳大清一統志

唐泰嶽

號廣方宋相介後廬州太守濬子也歷仕至樞密國

為臨安一大要隘咸淳九年勅曰用爾箠樞之臣寄茲專閫

之任節制中軍策畫內政又云抒爾蹇蹇之忱保我林林之

衆嶽於是拊循士卒獨當一面嘗出師采石力戰不克退守

寧國元兵檄降嶽曰世有降節度耶兵漸逼謂夫人李氏曰

元令圍久者下之日屠其城吾何惜一身不存數萬民命爾

宜去新安里居夫人曰死義與死兵等耳妾何之遂同日死

忍去遂卜居焉上人德之稱其所居里為唐家巷今其苗裔

元汪澤民

字叔志嶽之婺源州人宋端明殿學士藻之七世孫

中鄉貢上禮部下第授寧國路儒學正五年遂登進士第授

寧國府志

卷二十六

人物志 忠節

二

官一等或三等得近地以便養不允南歸奉母之官州民李

氏以貲雄其弟死妻誓不他適兄利其財嗾族人誣婦以奸

事獄成而澤民不擾而事集尋遷南安路總管府推官鎮守

檄澤民分辦民不擾而事集尋遷南安路總管府推官鎮守

萬戶朵兒赤持官府短長郡吏王甲歐傷屬縣長官訢郡同

僚畏朵兒赤托故不視事澤民獨捕甲繫之獄朵兒赤賂巡

按御史受甲家人訢欲出之澤民正色與辯御史沮夜竟

去乃卒罪王甲潮州府判官錢珍以奸淫事殺推官梁楫事

連廣東廉訪副使劉珍坐繫者二百餘人省府官凡六委官

鞫問皆顧忌淹延弗能白復檄澤民讞之獄立具人服其明

遷信州路總管府推官丁母憂服除授平江路總管府推官

有僧淨廣與他僧有憾久絕往來一日邀廣飲廣弟子急欲

呈請補入

得師財且苦其篋楚潛往他僧所殺之明日訢官他僧不勝

考掠乃誣服三經審錄詞無異結案待報澤民取行兇刀視

械之上有鐵工姓名召工問之乃其弟子刀也一訊吐實即

聖公襲封職三品澤民建議以為宜陞其品秩以示褒崇宣

聖之意廷議從之至三年朝廷修遼金宋史召澤民赴闕

除國子司業與修史書成遷集賢直學士階大中大夫未兩

月即移書告老大學士和尚曰集賢翰林實養老尊賢之地

先生何爲遽去願少留以副上意澤民曰以布衣叨榮三品志願足矣遂以嘉議大夫禮部尚書致仕歸田里與門生故人相往返嬉遊超然若忘世者十五年蕪黃賊陷徽州時澤民居宣州已而賊來犯宣州江東廉訪使道童雅重澤民日就之詢守禦計城得無虞明年長槍軍瑣南班等叛來寇城或勸澤民去澤民曰我雖無官守既受國厚恩臨危愛死非臣子節留不去凡戰鬪籌畫多澤民參決之累敗賊兵既而寇益衆城陷澤民爲所執使之降大罵不屈遂遇害年七十事聞贈資善大夫江浙行中書省左丞追封譙國郡公謚文節元史本傳

按澤民遇害時有詩云江城欲破竟何爲獨有孤臣謹自持罵賊肯教雙膝屈忠臣不顧一身危所著有春秋纂疏行世詩有巢深燕山宛陵三稿長子用敬以子貴封敦武校尉常州路宜興州判官次子用和國子生辟克侍儀司舍人不赴兄弟痛憤不食相繼卒二條分見於元百家詩

寧國府志

卷二十六

人物志 忠節

三

傳及萬厯志特附記

王翕 宣城管軍百戶至正乙未八月長槍軍鎖南班叛攻郡城將陷翕呼弟曰我受國恩遇難當死顧老母在汝等宜出避語訖即殺妻子焚其居自刎死元史

張文貴 宣城百戶至正十七年五月明兵下寧國路守將出降文貴仗節被執不屈死妻妾亦俱死一統志康熙府志同

梅實 宣城人世治春秋爲集慶路總管府照磨至正末明兵後人謂我不明君臣之義城陷不屈遂闔門自經元史

劉保一保九 膺力絕倫剛果有爲元末時劇盜蠡起率衆捍禦鄉里擒賊有功保一勅封萬戶保九信武將軍保九竟沒於陣乾隆府志

明陳迪

字景道宣城人祖宥賢明初從征有功世撫州守禦百戶因家焉迪倜儻有志操辟府學訓導爲郡草賀萬壽

表太祖異之久之以通經薦官侍講出為山東左叅政多
惠政丁內艱起復除雲南右布政使普定曲靖烏撒烏蒙諸
蠻煽亂迪率士兵擊破之賜金幣建文初徵為禮部尚書時
更修制度沿革損益迪議為多會以水旱詔百官集議迪請
清刑獄招流民凡二十餘事皆從之尋加太子少保李景隆
等數戰敗迪陳大計命督運軍儲已聞變趨赴京師燕王即
帝位召迪責問抗聲不屈命與子鳳山丹山等六人磔於市
既死人於衣帶中得詩及五噫歌辭意悲烈蒼頭侯來保拾
其遺骸歸葬妻管縊死幼子珠生五月乳母潛置溝中得免
八歲為怨家所訐成祖宥其死戍撫寧尋徙登州為蓬萊人
洪熙初赦還鄉給田產成化中寧國府知府涂觀建祠祀迪
宏治間裔孫鼎舉進士仕至應天府尹剛鯁有聲明史本
傳謹按

欽定勝朝殉節諸臣錄

余逢辰

字彥章燕王府伴讀有學行王信任之以故得聞異
謀乘間力諫知變將作貽書其子誓必死兵起復泣

諫言君父兩不可負死之明史本傳謹按

欽定勝朝殉節諸臣錄

寧國府志

卷二十六

人物志 忠節

四

賜通謚節愍

萬琛

字廷器貌魁梧性勇於義成化丁酉舉人知靖江縣改
瑞金適閩廣流賊夜突入殺守卒倉卒莫知所出或

勸其隱避琛叱曰琛去誰與守土遂率兵殺賊二十餘人力
屈被執賊問庫藏琛罵不已遇害時宏治乙丑正月也賊退
得其屍溝中身被創十六指截三詔贈光祿卿廕一子初琛
遇難次子麟郡諸生伏闕上書以死明父節得贈及廕有司
謂宜錄麟麟推讓兄麟督學御史蕭鳴鳳重其孝友廩之後
仕光山簿卒官獻徵錄大清一統志同

吳仕期

字德望諸生個儻負氣萬歷初張江陵奪情憤然
擬上江陵書千餘言稿傳於外南操院胡檣江陵私

人也太平同知龍宗武檣里人相比捕期置獄訊之曰必有
授爾者舉其人當爾貸蓋指沈修撰懋學也期曰男子負剛
腸奮直言肯聽人指授耶榜掠無完膚卒無一語他及宗武
命獄卒囊沙撲其面瘐死聞者冤之萬歷辛卯其妻貢與弟
仕朝奔懇南臺御史孫惟誠具疏以聞檣宗武皆
遠戍勅建仕期夫婦坊後祀鄉賢乾隆府志

按吳肅公文臺傳畧仕期垂死齧襪嚙之拈筆為文自

祭曰凡有正氣斯有正理出生入死二者而已又題壁曰

寶劍埋冤獄忠魂繞白雲作書遺其父母天下聞而悲之

張有德

字養源由太學任福藩工正崇正壬午賊寇雒城有德力為捍禦後被執罵賊遇害河南巡撫蘇京具題

建祠 乾隆府志

沈壽崇

號旭海都督有容子也崇正初武進士累官興都正留守忤巡按李振聲被劾罷未行而賊至遂及於難

贈都督僉事廕一子錦衣百戶 明史本傳 謹按

欽定勝朝殉節諸臣錄

沈壽堯

壽崇弟都督有容子金聲起兵績溪耶祖德與宣城舉人錢文龍諸生麻三衡各舉兵應之時郡城已失

祖德駐華陽三衡駐稽亭蠡起者十餘部三衡與吳太平阮恒阮善長劉鼎甲胡天球馮百家俱起號七家軍皆諸生也

約共攻郡城不克壽堯陣沒三衡軍敗亦死 明史耶祖德傳

寧國府志

卷二十六

人物志 忠節

五

麻三衡

字孟璿布政使溶孫宣城選貢生屯師麻姑山兵潰被執死於市孟璿注名復社遽賦無衣陳安未克生

還狼曠已得死所 朱竹垞明詩綜小傳

吳漢超

宣城諸生崇正十七年聞都城變謀募兵赴難會福王立乃已明年南都覆棄家走涇縣從尹民興起兵

兵敗匿華陽山中先是耶祖德麻三衡諸軍潰保華陽有徐淮者部署之漢超與合連取句容溧水高淳溧陽涇太平諸縣明年正月襲寧國夜緣南城登兵潰城中按首事者漢超已出城念母在且恐累族人入見曰首事者我也剖其腹膽

長三寸妻戚氏自擲樓下死 明史耶祖德傳 謹按 欽定勝朝殉節諸臣錄沈壽堯麻三衡吳漢超俱 恩准入忠節祠

按順治邑志載吳漢超原名算公邑諸生住城西南隅丙

戌正月四日結死士逼城夜三鼓縱火鳴戈以衆焚南門

不得逞盡殲其衆翌日按算公不屈死之明史通鑑輯覽

及宛雅俱作漢超事實亦與史傳不符兩存之

方召

宣城人署江山縣事金華被屠集父老告之日兵且至吾義不當去然不可以一人故致闔城被殃遂封其印

冠帶向北拜赴井死士民為收葬立祠祀焉

明史朱大典

欽定勝朝殉節諸臣錄
賜通謚節愍

徐肇基

字紹先幼穎異好讀古文詞及九州形勢將畧諸書以孝友稱里黨性豪俠赴人急難憤不顧身甲申年

聞國變北向大慟幾絕及麻三衛起兵麻姑山即往共事妻劉南康同知汝芳女也勸之曰天命有歸矣肇基泣然曰吾

惟死耳後從三衛
死 乾隆府志

謝國斌

崇正癸酉武舉廣東陽江守備
明亡時闔門盡死 乾隆府志

國朝李煌

字仲宣宣州衛人總兵遇文孫順治戊子恩貢授萊州推官尋攝膠州順治十年鎮將海時行擁兵叛召司理

予祭葬廕子如玉入監讀書長孫喬廕授四川遵義知縣雍正乙巳

寧國府志

卷二十六

人物志 忠節

六

祠祀京師煌被害時妻華年少撫子以節終時隊中有旗鼓司張思選者陝西延安人時行命刃煌思選以刀返擲時行不中並遇害思選僕張俊携幼主逃匿旬日遇煌于道曰爾主今日戰於廟灣囑我善視爾幼主可勿逃也言訖不見明日時行被擒膠人為立憫忠祠
採一統志及山東省志合纂

按嘉慶十一年煌裔孫達仍廕千總在寧國營効力

劉讓

字仲怡從征粵西以軍功授西林知縣康熙辛酉征貴州讓轉餉軍前遇賊於南寧逼脅不從被殺兄謙走萬

里負骸骨歸
乾隆府志

按讓於乾隆二十九年准祀忠義祠

濮陽寧曾

字爾修以材官給遊擊銜從松江提督征耿逆至閩界渡河馬陷歿康熙二十三年照陣亡例

賜卹銀七十二兩
事實册

王福

定遠人僑寓宣城嘉慶初客江陵值教匪不靖募義勇二百人投營効力累首功官把總屢與賊遇被創通中

勇氣益奮潛結賊黨吳成樹子吳登元為內應報大營大將軍疑有詐令嘗賊登元果乘夜殺賊應兵無後繼乃以吳登元歸大將軍嘉其功轉一勳旋以追賊中鎗死事聞

賜卹銀三百兩廕一子雲騎尉
世襲恩騎尉 事實冊

南陵縣

元張國岡

至正丙申趙雙刀寇南陵國岡率義兵與戰兵敗被執不屈賊斷其兩膝至死罵不絕口 江南通志

明吳景

字伯陽宏治丙辰進士歷官四川按察司僉事發奸摘伏蜀稱神明守江津時潘州賊逼川南御史遁去景禦

賊手殺三人城陷大呼曰寧殺我毋殺百姓被執不屈死之事聞贈按察司副使錄其子鎬宣州衛百戶 江南通志府

縣志

劉永合

字符卿崇正末張獻忠破廬州餘賊躡及南陵永合糾健壯捍鄉里屯葉家橋賊驟至倉猝星散永合被

執罵不絕賊怒截其顛子邑廩生士喬痛哭罵賊賊異之舍去終以哀死 事實冊

寧國府志

卷二十六

人物志 忠節

七

朱懋華

字仲敬崇正癸未進士知浙江定海縣蒞任數月聞闖賊入京師明社為墟乃北望遙拜自縊於署 江

南通志 謹按
欽定勝朝殉節諸臣錄

賜通謚節愍

施所蘊

字玉壺善教長子以廕授光祿寺丞歷貴閫幕告歸崇正癸未流寇掠縣境人勸其入城避兵不從端坐

中庭指寇大罵叱之跪曰吾膝豈為鼠輩屈耶寇刃其膝仆地罵不絕口遂遭慘戮子烱甫十二歲抱尸哭幾絕寇感動

釋之巡按御史鄭旌曰
氣亘長虹 乾隆府志

劉大京

字君開值鼎革新令至家人委曲諫勸不從慷慨就刑時有劉希邁者亦同日死 同上

國朝孫斌

字淑獻以武進士為福寧游擊耿逆反招斌斌斬其使飛報督撫請兵合討耿逆怒縛至省斌抗詞不屈發置

興化棄妻子而逃至背嶺山追卒至挺杖交下推墮峻崖腰筋皆折丁巳春 王師下興化斌扶技謁軍門奉

旨優叙累官夔副將都督同知聞繼母沒求解任
詔特許之武臣丁憂自斌始

按孫斌乾隆府志載武烈江南通志及南陵縣志俱入忠

節迹斌行事亦良不愧特改載

涇縣

元洪文廣

小名省一以薦辟高陽牧三年政平訟息尋擢臺史時桑哥為省臣怙寵擅權文廣首劾之黜為建康道

廉訪副使居任歲餘三上疏言朝廷得失桑哥怒矯詔賜死命賚首京師鄉人私謚曰忠節乾隆府志縣志同

明左光斗

字遺直桐城人萬曆三十五年進士除中書舍人選授御史巡視中城捕治吏部豪惡吏獲假印七十餘

假官一百餘人輦下震悚出理屯田條上三因十四議詔悉允行光宗崩李選侍據乾清宮迫皇長子封皇后光斗上言

內廷有乾清宮猶外廷有皇極殿惟皇后得居之其他妃嬪不得恒居別尊卑也熹宗善之趣擇日移宮當宮府危疑光

斗與楊漣協心建議議宸極獲正兩人力為多由是朝野並稱為楊左廷臣議改元光斗請從今年八月以前為萬曆以後

為泰昌議遂定出督畿輔學政力杜請寄識鑒如神擢大理丞進少卿明年二月拜左僉都御史是時韓爌趙南星高攀

寧國府志

卷二十六

人物志 忠節

八

龍楊漣鄭三俊李邦華魏大中諸人咸居要地光斗與相得務為危言覈論甄別流品正人咸賴之而妄者浸不能容楊

漣劾魏忠賢光斗與其謀又與攀龍大中次將及漣光斗暨其黨咸怒及忠賢逐南星攀龍大中將及漣光斗

憤甚草奏劾忠賢及魏廣微二十二斬罪擬十一月二日上之忠賢詔知先二日假會推事與漣俱削籍復構汪文獄

入光斗名遣使往逮至則下詔獄酷訊許顯純誣以受楊鎬熊廷弼賄漣等初不承光斗私計曰彼殺我有二法因我不

承而酷刑以斃之一也夜半令獄卒潛殺之二也承則當下法司庾有見天之曰諸人然其言俱自誣服光斗坐贓二萬

忠賢乃矯旨令顯純五日一追比不下法司諸人始悔失計容城孫奇逢者節俠士也與定興鹿正倡議釀金諸生爭應

之得金數千謀代輸緩其獄而光斗與漣同日為獄卒所斃時五年七月二十有六日也年五十一光斗既死猶未

竟忠賢令撫按嚴追繫其羣從十四人長兄光霽坐累死母以哭子死都御史周應秋猶以所司承追不力疏趣之由是

諸人家族盡破忠賢誅贈右都御史錄其一子已再贈太子少保福王時追謚忠毅

按明史本傳光斗桐城人而涇縣志稱光斗實由涇邑遷

桐登科錄尚稱涇邑人今仍之

朱儀

字象先崇正丙子舉人知嘉定州行取入京會流寇張

障遂率眾固守已而賊大至城陷不屈
闔門遇害妻胡見烈婦傳 乾隆府志

徐應第

字及三崇正辛未武進士累官武昌都司十六年張

得死所矣尋被難止
一子僕脫歸 同上

蕭耀

字闇然崇正辛未武進士歷任兩廣總兵大兵下兩粵

俱削髮入空門以終 同朝死報恩遂拔劍自刎妾劉幼子培

蕭家駿

字蕪良崇正癸未武進士為平望守備順治乙酉閏

家驃撫之成立驃事嫂如
母以一子奉兄祀 同上

吳大鼎

字席儒武庠生為湖撫何騰蛟識拔由守備超遷總

寧國府志

卷二十六

人物志 忠節

九

上同

朱敏泰

字子顏由吏員歷宣府督糧通判闖賊陷宣府同巡

據花林都後
裔朱氏錄入

趙鶴

或作一鶴字于九邑庠生習技勇諳韜畧乙酉城破跨

乾隆
府志

劉嘉

字亨父童時即以忠孝自任授徒得館穀養母均諸弟

趙大中

字黃吉性忠孝乙酉城將破作書別妻子題詩藏衣

被擒當事憐其才欲用之不屈遂伏法或作赴水死兩得既

者尹民興遁去後回里追懺國殤香烟中見大中端坐於上

驚異汗流因為僧大中所著有自集同時有沈懋賢者字

德臣出金二橐并穀五百餘石給軍督守北城會尹民興遁

追之不及城陷賢歸題其壁曰空餘一腔血乾坤何處家旋

被執死 同上 謹按

欽定勝朝殉節諸臣錄
恩准入忠節祠

趙初浣

字雪度崇正副榜順治乙酉大兵平江寧浣與邑諸生趙崇雅張載達趙純仁等迎舊令尹民興據城以

應金聲城破初浣崇雅純仁及王大新左
宜之王日望張一稱張學載俱死 同上

張載述

字又彭邑諸生明末見時事孔棘詣江寧三上樞部史可法書陳足食足兵之計語俱切要順治乙酉偕

趙瑋等集兵守城城破遁走是年大兵下瀘溪載述與其邑貢生魏一柱畫策守瀘後隨永明王於粵西為給事中以阻孫可望王封為可望所殺瑋字太璞崇正庚辰歲貢莊烈帝臨雍瑋抗疏陳時弊溫旨採用守城時傾家財贍兵城陷遁走後仕閩為兵部郎中閩亡自殺著有芝園文集塔影亭詩草 乾隆府志 謹按

欽定勝朝殉節諸臣錄張載述以御史同兵科都給事中劉堯珍兵科給事中吳霖以阻封議為孫可望所殺

賜謚烈愍

嚴道正

字魯脉先為溫州磐山衛經歷陞趙府審理後改就武途授守備給副總兵割平安酋有功孔有德攻登

寧國府志

卷二十六

人物志 忠節

十

菜與主將牟公守城力戰死子幼
以姪德忍蔭守備 據新縣志增

吳之瑜

辰州通判流寇陷州城亂兵
脅至漢陽不食死 同上

萬庚

字白叔乙西城破范雲龍倉卒集眾於城東庚往應之大兵至雲龍與庚俱被繫會軍中脅留一蒙師作書記

已得釋蒙師指庚曰此亦脅留者庚呼曰彼是也我非也我將往白門面責洪承疇負先朝建廟旌忠之恩耳遂解江寧

與金聲等同被
刑 乾隆府志

萬麟

字道祥諸生學主程朱關水西姚江之學值國變遺兄應隆書曰弟任道無力姑以一死塞責遂不食死年二

十五 據
新縣志增

趙崇炫

字孟晦諸生鼎革時薙
髮令下自刎死 同上

張學載

諸生與守城城破被
執不屈死 同上

鄭繼元

四川崇慶衛經歷告歸城破彼執
不屈死妾蕭氏亦自刎 同上

翟文術 字無術進士知湖廣平江縣流寇起繕城練卒力守孤城請援莫應以憂憤卒 同上

章希熊 廣東潮州府經歷闖兵至城陷死之 同上

國朝汪化鰲 字魚君由拔貢坐歷陝西漢中府同知吳逆陷漢中偏受僞職不從囚繫踰年自經死藁葬漢中城南祀

名宦子鈞以廕知狄道縣 乾隆府志

翟文進 寧國營把總順治十六年海寇犯瓜州文進率兵二百逆擊陣亡 據新縣志增

朱慶錦 永綏協左營守備乾隆三十七年隨征兩金川有功六十年苗亂鎮守鎮總兵明安圖赴鴉西塞勦捕被

困隨永綏副將伊薩納馳救力戰死妻孫氏妾江氏聞訃自縊一門從死者六人事聞

賜恤子安邦授雲騎尉 世襲 同上

寧國縣

宋方致堯 邑之方坑人建炎庚戌戚方寇寧國致堯率鄉兵伏石嶺隘處使其子登山揮幟為號賊至伏發大破之

寧國府志

卷二十六

人物志 忠節

十一

傷其白馬將賊益兵至致堯中流矢被執脅之降罵曰我豈從賊反耶賊殺之紹興四年知縣李椿年上其事賜諡義烈

立祠方坑口祀之 大清一統志

楊義忠 字大書寧國縣吏德祐元年五月元伯顏兵攻寧國知縣趙與糖戰死義忠率眾城守凡六十晝夜七月

中率義兵出戰死贈武功大夫 採宋史瀛國公本紀及江南通志合纂

洪文甫 烏程縣尹元末兵變解組歸時紅巾賊起藍木二黨屯丁溪山應賊偪文甫附從不屈扼吭死 乾隆府志

明何通泰 字季貞元末嘗倡鄉兵却紅巾賊後寧國既屬明僞吳兵復攻其壘城陷自刎里人為立祠 江南通志

屠紹臯 字士際義英孫崇正元年恩貢八年知湖廣上津縣蒞任數月獻賊圍城竭力守禦城潰被執不屈死

欽定勝朝殉節諸臣錄 謹按

賜通諡節愍

張鐫

事桂王為刑科給事中奉國命圖孫可望事洩被殺謹按

欽定勝朝殉節諸臣錄
賜通諡節愍

汪朝維

字士張乙酉潰卒焚畧近郊維率眾刃斃巨寇旋中流矢仆地弟朝繼持湯灌之不救亦被擒縣志

錢文龍

舉人應金聲敗死

馮百家胡天球劉鼎甲阮善長阮恒吳太平

俱生員應麻三衡敗死謹按

欽定勝朝殉節諸臣錄以上七人皆蒙恩准入忠節祠

國朝許士縉

字爾明勇敢善騎射由行伍積功歷任廣東副總兵會征勦巡城順治丁亥九月中砲卒乾隆府志

旌德縣

宋鮑琢

剛直好義宣和中方臘寇寧國琢糾義兵擊破之後賊張遇逼宣黃池州守呂好問檄諸邑兵入衛眾推琢為

首以禦寇功補承信郎又明年賊盧進寇涇琢率兵力戰中石卒大清一統志

寧國府志

卷二十六

人物志 忠節

十二

周貞

字子繼咸淳中奉文丞相天祥劄授本縣尉同邑宰趙時賞守縣元兵壓境力戰死之士人至今廟祀萬歷中

直指唐鍊疏請旌忠建坊乾隆六年崇祀忠孝祠大清一統志通志府邑志同

明饒鼎

字象台天啟舉人知蒲臺縣崇正十五年城陷不屈死御史旌其門曰烈尹江南通志謹按

欽定勝朝殉節諸臣錄
賜通諡節愍

按鼎同死者諸生王晉族人饒見可雍正間旌德令饒萬

鑑題詩有三槐義士盟蘭譜一姓貞操共鐵腸之語

劉統

字君常喬亭人睥目鐵面身長修臂善騎射投監軍道知其將才授守備隨征流賊時江左福王監國拜左懋

第兵部左侍郎右僉都御史使北統晉秩都司與同官張良佐王廷佐及兵部司務陳用極游擊王一斌從行俱以不降

誅統妻趙詳烈女
乾隆府志

太平縣

宋王行之

字才仲為婺州士曹宣和三年方臘黨寇婺州守臣皆遁去行之曰吾刑官也分當死職遂遇害贈通直

郎 大
清一統志

明李誠

父惟二客薊州因家焉登元進士除本縣尹遂復本宗時徽饒盜起率兵戰捷陞元帥丁酉納土歸附賜繡衣

銀椀從征江州大呼陷陣死太祖遣官致祭猶子勝原善兵法工詩歌為幕下總管 縣志

汪文炳

字炳叔明太祖渡江隨孫炎入見授秘書典籤講解稱旨遷都昌知縣陳友諒來攻援絕被執賊欲官之

抗詈而死 採一統志及江南通志合纂

胡泰亨

字仕通習易居南市明太祖下寧國充貢補進士授庫官以親老乞終養洪武初召至金陵答制十二條

上嘉納之適兄臨亨犯法當死泰亨以兄未有子揭請代部奏以義免割耳示法尋召鎮守安南值寇圍城恚慨然曰賊勢如此豈可坐困某願潛縋請救夜出城百餘里為賊伏所執搜得請師救書脇之降不屈遂被害後歸葬龍門黃石灘

乾隆府志

寧國府志

卷二十六

人物志 忠節

十三

崔守義

由掾吏官湖廣鄱縣尉崇正十六年李自成陷承天旁畧州縣城破被殺妻胡氏絜幼子扶櫬歸 縣志

王一斌

崇正庚辰進士福王監國我

大清兵連破李自成朝議遣兵部侍郎左懋第與左都督陳宏範太僕少卿馬紹愉通好一斌以游擊從行人館於太醫院順治二年閏六月懋第聞南京失守慟哭不降誅一斌與劉統等俱死

按王一斌死事見明史左懋第傳乾隆府志獨載旌德之

劉統不載一斌今增入

陳易

字有功以字行工書善詩少從父遊河南藩邸識內院金聲甚加賞契崇正丁丑武進士授杭州守脩忤權要

歸順治二年金陵陷聞休寧左僉都御史金聲糾聚義勇保績溪黃山分兵阨六嶺有功遂糾集義兵合聲通表唐王授副將拔旌德寧國諸縣攻石埭陷陣死聲為文祭之 通鑑輯覽 謹按

欽定勝朝殉節諸臣錄
賜通諡節愍

牛論以材官事左懋第甲申秋左公奉使論隨行十月劄授把總十二月劄授千總獎云技勇兼人從行已久勤勞不怠忠義愈堅乙酉夏劄授都司又獎云心存忠義始終不渝閏六月左公及王劉諸公盡節論亦自刎死從行者攜其劄歸標判皆用藍左公有母憂故也子孫至今寶之

按明史左公以三千人護行至張家灣

本朝傳令許百入都門云云南都沒於五月左公死節於又六月十二日則前六月之劄固無疑也以左公之忠義而牛論見許節概可知惜其死正史無明文不敢直載茲從邑

志補入

張廷豹字炳文崇禎癸酉武舉人効力巡按麾下以材勇聞後歸值左僉都御史金聲起義績溪廷豹與陳有功

應之有功戰死石埭廷豹退
保守崖關關破死事實册

寧國府志

卷二十六

人物志 忠節

十四

崔騰鯉

貢生任松江府學訓導

王師下各官望風委印走騰鯉集印七端服坐明倫堂兵至被執主帥重其節諭之曰爾肯降七印惟所擇騰鯉曰吾守死非守印也刀鋸鼎鑊惟所命與其子善生俱死之上

孫大錡

由禮部儒士官羅田縣巡檢守要塞流賊攻圍不降食盡死逾年家人聞變往尋遺骸白骨縱橫間見臂

間有繫巡檢印者
乃載以歸縣志